



Na osnovu člana 100. stav 3), člana 68. stav 4. tačka i) i člana 69. stav 2. e) i 70. st. 1. 4. i 6. Zakona o javnim nabavkama („Službeni glasnik BiH“, broj 39/14), i Žalbe ponuđača SKK d.o.o. Sarajevo broj: 37-08-25-05/21 od 24.05.2021. godine, u konkurentskom zahtjevu za dostavu ponuda za nabavku, isporuku i montažu kontejnera za provođenje preventivnih i hitnih mjera za potrebe struktura CZ, Gradonačelnik donosi:

ODLUKU o poništenju postupka javne nabavke

Član 1.

Prihvata se Žalba ponuđača „SKK“ d.o.o. Sarajevo izjavljena na Odluku o izboru najpovoljnijeg ponuđača broj: 02-11-6666-2/21 od 17.05.2021. godine, te se ponuda „ASIA“ d.o.o. Kozarska Dubica odbacuje u skladu sa članom 68. stav 4. tačka i) ZJN.

Član 2.

Poništava se konkurentski zahtjev za dostavu ponuda za nabavku, isporuku i montažu kontejnera za provođenje preventivnih i hitnih mjera za potrebe struktura CZ, iz razloga što je cijena prihvatljive ponude znatno veće od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 3.

Stavlja se van snage Odluka o izboru najpovoljnijeg ponuđača broj: 02-11-6666-2/21 od 17.05.2021. godine.

Član 4.

Za izvršenje ove odluke zadužuje se i ovlašćuje Služba za finansije.

Član 5.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-6666/21 od 07.04.2021. godine. Obavještenje o nabavci broj: 1355-7-1-87-3-47/21 objavljeno je na Portalu javnih nabavki dana 09.04.2021. godine.

Procijenjena vrijednost za predmetnu nabavku iznosila je 41.500,00 KM bez PDV-a.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na Odluku o izboru najpovoljnijeg ponuđača 02-11-6666-2/21 od 17.05.2021. godine uložena je žalba ponuđača „SKK“ d.o.o. Sarajevo dana 25.05.2021. godine.

Ugovorni organ djelimično usvaja žalbene navode koji su detaljno definisani u Zapisniku Komisije o ocjeni ponuda III, broj: 05-11-6666-10/21 od 25.05.2021. godine, te utvrđuje da ponuda ponuđača „ASIA“ d.o.o. Kozarska Dubica nije prihvatljiva iz sljedećih razloga:

- Ponuda nije uvezana niti numerisana na način kako je propisano članom 58. stav 2) ZJN, i članom 8. Uputstva za pripremu modela tenderske dokumentacije i ponuda,
- Ponuda ne sadrži punomoć ili ovlaštenje za potpisivanje ponude za Bojanu Đekanović, niti je vidljivo iz Rješenja o registraciji da je ista ovlaštena predstavnik ponuđača,
- Dostavljena Izjava o ispunjenosti uslova iz člana 45. ZJN nije ovjerena od strane nadležnog organa,
- Dostavljena Izjava o ispunjenosti uslova iz člana 52. ZJN nije ovjerena od strane nadležnog organa,
- Obrazac izjave o dostavi garancije za uredno izvršenje ugovora nije popunjen niti potpisan u skladu sa tačkom 12. tenderske dokumentacije,
- Nacrt Ugovora nije potpisan od strane ponuđača,
- Dostavljeno Rješenje o registraciji broj: 067-0-Reg-19-000262 od 12.12.2019. godine je obična kopija a što nije u skladu sa tačkom 2.3 konkurentskog zahtjeva za dostavu ponuda,
- Ponuđač nije dostavio dokaze koje se odnose na tehničku i profesionalnu sposobnost za realizaciju predmetnog ugovora kako je zahtijevano tačkom 2.4. konkurentskog zahtjeva za dostavu ponuda.

Ponuda ponuđača SKK d.o.o. Sarajevo u vrijednosti od 56.747,16 KM bez PDV-a znatno je veća od osiguranih sredstava za predmetnu nabavku.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba za finansije, Trg BIH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-6666-3/21

Datum: 25.05.2021. godine

DOSTAVLJENO :

2 x Ponuđači

1 x Služba za finansije

1 x Tenderska dokumentacija

1 x a/a

GRADONAČELNIK:


Fuad Kasumović